

**Вольбы  
президента Словацкой републики**

**Інформації про воліча**

**I**

Датум і час реалізації волеб

Вольбы президента Словацкой републики будуть  
в субботу **16. 03. 2019** од 7:00 до 22:00 години.

Кедь у першім колі волеб ани єден з кандидатів на президента Словацкой републики не дістане надполовинну векшыну платных голосів волічів, буде друге коло волеб  
в субботу **30. 03. 2019** од 7:00 до 22:00 години.

**II**

Право волити

Право волити президента Словацкой републики мають обчан Словацкой републики, котрый має право волити до Народной рады Словацкой републики, т. є. обчан Словацкой републики, котрый найпізніше в день волеб досяг вік 18 років.

Право волити є в конфлікті зо законным окліщінєм особной слободы на основі охрани публічного здравя.

**III**

Право быти воленым

За президента Словацкой републики може быти зволений обчан Словацкой републики, котрый має право быти воленым за посланця Народной рады Словацкой републики і найпізніше в день волеб досяг вік 40 років.

Право быти воленым є в конфлікті з:

- заарештованєм,
- правоплатным одсуджінєм за напланований кримінальний чін, погы одсуджіня не было заглажене,
- однятєм способности робити правны діла.

**IV**

Легітімація на голосованя

Воліч, котрый стабільно быває на теріторії Словацкой републики і в день волеб не буде мочі волити в місті свого стабільного бываня у волебнім раєні, де є записаний в списку волічів, може пожадати **од села свого стабільного бываня** легітімацію на голосованя. Село на пожаданя волічови выставить легітімацію на голосованя і вычаркне го зо списку волічів з позначков, же му выдало легітімацію на голосованя.

Легітімація на голосованя дає право на записаня до списку волічів у будькотрім волебнім раєні.

**Село выдасть волічови легітімацію на голосованя лем на тот день реалізації волеб президента Словацкой републики, котрый воліч увів у свойї жадости. Воліч може пожадати од села свого стабільного бываня легітімацію на голосованя на перше і друге коло волеб президента Словацкой републики нараз. Тота пожадавка мусить быти ясна із жадости воліча.**

Воліч може пожадати легітимацію на голосованя:

особно,

найпізніше в послідній робітний день перед днём волеб (т. є. Напізніше 15. 3. 2019; *про друге коло волеб найпізніше 29. 3. 2019*) в урядных годинах села.

Село выдасть легітимацію на голосованя безодкладно,

у формі листины так,

жебы жадость о выдана легітимації на голосованя была доручена селу найпізніше 15 робітных днів перед днём волеб (т. є. Напізніше 25. 2. 2019; *про друге коло волеб найпізніше 11. 3. 2019*),

електронічнов формов так,

жебы жадость о выдана легітимації на голосованя была доручена селу найпізніше 15 робітных днів перед днём волеб (т. є. Напізніше 25. 2. 2019; *про друге коло волеб найпізніше 11. 3. 2019*). Село про такы припады опублікує на своїм вебсайті електронічну (і-мейлову) адресу на посыланя жадостей. Кедь село не має свій вебсайт, опублікує електронічну адресу на посыланя жадостей на урядній таблі села.

В жадости мусять быти уведжены такы інформації о волічови:

- мено і призви́ско,
- родне чи́сло,
- штатне обчанство,
- адреса стабі́льного бываня (село, улі́ця, чи́сло дому),
- пошто́ва адреса, на котру село зажене легітимацію на голосованя.

посередництвом особы, уповномоченой жадателём

мож пожадати легітимацію на голосованя найпізніше в послідній день перед днём реалізації волеб (т. є. Напізніше 15. 3. 2019 ; *про друге коло волеб найпізніше 29. 3. 2019*)

В жадости мусять быти уведжены такы інформації о волічови:

- мено і призви́ско,
- родне чи́сло,
- штатне обчанство,
- адреса стабі́льного бываня (село, улі́ця, чи́сло дому).

Село зажене легітимацію на голосованя волічови на адресу стабі́льного бываня, кедь в жадости не уведе іншу пошто́ву адресу, найпізніше до трёх робітных днів од доручіня жадости. Село зажене легітимацію на голосованя на адресу уведжену в жадости рекомандо-писмом „*До властных рук*“.

Кедь воліч в писомній або електронічній жадости уведе, же легітимацію на голосованя перебере інша особа, мусить в жадости увести ей мено, призви́ско і чи́сло обчаньской легітимації. Підпис воліча на жадости не мусить быти урядно овірений. Тота особа повинна перевзятя легітимації на голосованя потвердити своїм підписом.

Воліч, котрому была выдана легітимація на голосованя, може волити ай у волебній містности подля міста свого стабі́льного бываня, але лем з легітимаціёв на голосованя.

**Легітимація на голосованя є платна лем на тот день реалізації волеб, котрого датум є на ній уведжений, і лем із обчаньсков легітимаціёв.**

## V

### Способ голосованя

Воліч повинний по приході до волебной містности превказати реённій волебній комісії свою тотожність обчаньсков легітимаціёв. Кедь была волічови на ёго жадость выдана легітимація на голосованя, предложить ведно з обчаньсков легітимаціёв легітимацію на

голосования, котру му раённа волебна комісія одобере. Потім раённа волебна комісія закрузкуе порядкове чісло воліча в списку волічів і выдасть волічови лист на голосования і порожню копертку з уряднов печатков села.

Обчан Словацькой републіки, котрый найпізніше в день волеб досяг вік 18 років, не має місто стабільного бываня на території Словацькой републіки і вступив у день реалізації волеб до волебной містности, превкаже свою тотожность словацькым паспортом а сучасно раённій волебній комісії укаже честне выголошіня о місті стабільного бываня в заграничу, котрого взор опублікуе Міністерство внутра Словацькой републіки на своїм вебсайті. Раённа волебна комісія такого воліча допише до списку волічів, што зазначить до ёго словацького паспорту, а честне выголошіня о місті стабільного бываня в заграничу припоить к списку волічів. Потім раённа волебна комісія выдасть волічови лист на голосования і порожню копертку з уряднов печатков села.

**Перевзятя листу на голосования і копертки потвердить воліч у списку волічів властноручным підписом.**

Каждый воліч повинный перед голосованём одобрати ся до выдільеной части містности, в котрій може управити лист на голосования. Волічови, котрый не вступить до того простору, раённа волебна комісія не доволить голосовати.

У выдільеній части містности, в котрій мож управити лист на голосования, воліч на листі голосования закрузкуе порядкове чісло кандидата, котрому вирішив дати свій голос. Воліч може закрузковати порядкове чісло лем одного кандидата. Кедь воліч закрузкуе веце порядковых чісел кандидатів, такой лист на голосования є неплатный. Управлений лист на голосования вложить воліч до копертки і наслідно до волебной урны.

На пожадания воліча раённа волебна комісія выдасть волічови за некоректно управлений лист на голосования другый. Некоректно управлений лист на голосования вложить до ладічки на одложіня несхоснованых або некоректно управленых листів на голосования.

Воліч, котрый сам не може управити лист на голосования із здравотных причін або зато, же не може читати або писати і **перед голосованём поінформує о тім факті раённу волебну комісію**, має право взяти із собов до выдільеной части містности, в котрій мож управити лист на голосования, іншу способну особу, жебы подля ёго інструкцій і закона управила лист на голосования і вложила го до копертки; таков особов не може быти член раённой волебной комісії. Обидві особы перед вступом до до выдільеной части містности, в котрій мож управити лист на голосования, член раённой волебной комісії поучить о способі голосования і о криміналінім skutку в припаді нарушования приправы волеб і волебного процесу.

За воліча, котрый не може із здравотных причін сам вложити копертку до волебной урны, може ю до нёй на ёго пожадания вложити інша особа, але не член раённой волебной комісії.

Воліч, котрый не може прийти до волебной містности із важных, главно здравотных причін, має право пожадати село а в день реалізації волеб раённу волебну комісію одголосовати до переносной волебной урны, а то лем на території волебного раёну, про котрый была раённа волебна комісія створена.

**Воліч повинный одложити некоректно управлений лист на голосования до запечатованой ладічки на несхоснованы або некоректно управлены листы на голосования, бо інакше ся допустить перестулїня, за котре буде покутованый сумов 33 евро.**

\*\*\*

Далшы інформації о вольбах президента Словацькой републіки ся находят на вебсайті  
[www.minv.sk/?volby-prezidentsr](http://www.minv.sk/?volby-prezidentsr)